



11 September 2013
11 September 2013
P.U. (A) 287

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH CUKAI PENDAPATAN (PENGECUALIAN) (NO. 12) 2013

INCOME TAX (EXEMPTION) (NO. 12) ORDER 2013



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA CUKAI PENDAPATAN 1967

PERINTAH CUKAI PENDAPATAN (PENGECHUALIAN) (NO. 12) 2013

PADA menjalankan kuasa yang diberikan oleh perenggan 127(3)(b) Akta Cukai Pendapatan 1967 [*Akta 53*], Menteri membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Cukai Pendapatan (Pengecualian) (No. 12) 2013**.

(2) Perintah ini disifatkan telah mula berkuat kuasa mulai tahun taksiran 2012.

Pemakaian

2. Perintah ini terpakai bagi syarikat yang layak—

- (a) yang menjalankan suatu perniagaan perkhidmatan yang layak;
- (b) yang memperoleh perusahaan kecil dan sederhana yang menjalankan suatu perniagaan perkhidmatan yang layak yang sama menurut suatu skim pemerolehan;
- (c) yang skim pemerolehannya telah ditentukan oleh Perbadanan Perusahaan Kecil dan Sederhana Malaysia; dan
- (d) yang pemerolehannya selesai pada atau selepas 3 Julai 2012 tetapi tidak lewat dari 2 Julai 2015.

Tafsiran

3. Dalam Perintah ini—

“perniagaan perkhidmatan yang layak” ertinya suatu perniagaan berhubung dengan perkhidmatan sebagaimana yang dinyatakan dalam Jadual;

“perusahaan kecil dan sederhana” mempunyai erti yang sama yang diberikan kepadanya di bawah seksyen 2 Akta Perbadanan Perusahaan Kecil dan Sederhana Malaysia 1995 [*Akta 539*];

“skim pemerolehan” ertinya suatu skim yang melibatkan pemerolehan suatu perusahaan kecil dan sederhana oleh suatu perusahaan kecil dan sederhana yang lain mengikut amalan yang diterima umum di Malaysia;

“syarikat yang layak” ertinya—

- (a) suatu perusahaan kecil dan sederhana yang diperbadankan sebagai syarikat di bawah Akta Syarikat 1965 [*Akta 125*]; dan
- (b) bermastautin di Malaysia.

Pengecualian

4. (1) Tertakluk kepada perenggan 8, Menteri mengecualikan suatu syarikat yang layak, berkenaan dengan pendapatan berkanun yang diperoleh daripada menjalankan perniagaan perkhidmatan yang layak bagi tempoh asas bagi suatu tahun taksiran, daripada pembayaran cukai pendapatan bagi tempoh lima tahun taksiran berturut-turut mulai dari tarikh pemerolehan diselesaikan.

(2) Tertakluk kepada perenggan 5 dan 6, pendapatan berkanun yang disebut dalam subperenggan (1) hendaklah ditentukan mengikut formula yang berikut:

- (a) berhubung dengan suatu syarikat yang layak yang mempunyai modal berbayar berkenaan dengan syer biasanya sebanyak dua juta lima ratus ribu ringgit dan kurang selepas pemerolehan diselesaikan—
 - (i) bagi tiap-tiap ringgit dalam RM500,000.00 yang pertama pendapatan yang boleh dikenakan cukai, kadar cukai

semasa bagi amaun itu sebagaimana yang diperuntukkan dalam perenggan 2A Bahagian I Jadual 1 Akta terpakai;

- (ii) bagi tiap-tiap ringgit yang melebihi RM500,000.00 pendapatan yang boleh dikenakan cukai, pendapatan berkanun hendaklah dikira mengikut formula yang berikut:

$$\frac{A}{B} \times C$$

iaitu A ialah amaun cukai yang dikenakan bagi tiap-tiap ringgit yang melebihi RM500,000.00 pendapatan yang boleh dikenakan cukai syarikat yang layak itu pada kadar cukai semasa sebagaimana yang diperuntukkan dalam perenggan 2A Bahagian I Jadual 1 Akta ditolak dengan amaun cukai yang dikenakan ke atas pendapatan yang boleh dikenakan cukai itu bagi tiap-tiap ringgit yang melebihi RM500,000.00 pada kadar dua puluh peratus;

B ialah amaun cukai yang dikenakan bagi tiap-tiap ringgit yang melebihi RM500,000.00 pendapatan yang boleh dikenakan cukai itu pada kadar cukai semasa sebagaimana yang diperuntukkan dalam perenggan 2A Bahagian I Jadual 1 Akta; dan

C ialah amaun pendapatan yang boleh dikenakan cukai itu yang melebihi RM500,000.00.

(b) berhubung dengan suatu syarikat yang layak yang mempunyai modal berbayar berkenaan dengan syer biasanya lebih daripada dua juta lima ratus ribu ringgit selepas pemerolehan diselesaikan—

A X C
B

iaitu A ialah amaun cukai yang dikenakan ke atas pendapatan yang boleh dikenakan cukai bagi syarikat yang layak itu pada kadar cukai semasa sebagaimana yang diperuntukkan dalam perenggan 2 Bahagian I Jadual 1 Akta ditolak dengan amaun cukai yang dikenakan ke atas pendapatan yang boleh dikenakan cukai itu pada kadar dua puluh peratus;

B ialah amaun cukai yang dikenakan ke atas pendapatan yang boleh dikenakan cukai itu pada kadar cukai semasa sebagaimana yang diperuntukkan dalam perenggan 2 Bahagian I Jadual 1 Akta; dan

C ialah amaun pendapatan yang boleh dikenakan cukai itu.

(3) Tiada apa-apa jua dalam subperenggan (1) boleh melepaskan atau disifatkan telah melepaskan syarikat yang layak itu daripada mematuhi apa-apa